

Odluka o imenovanju novog člana Visokog sudskeg i tužilačkog vijeća Bosne i Hercegovine

Koristeći se ovlaštenjima koja su Visokom predstavniku data u članu V. Aneksa 10. (Sporazum o sprovodenju civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o sprovodenju civilnog dijela Mirovnog ugovora; i posebno uzimajući u obzir član II.1. (d) prethodno spomenutog Sporazuma prema kojem Visoki predstavnik "pruža pomoć kada to ocijeni neophodnim, u iznalaženju rješenja za sve probleme koji se jave u vezi sa civilnim sprovodenjem";

Pozivajući se na stav XI.2 Zaključaka sa Konferencije o sprovodenju mira održane u Bonu 9. i 10. decembra 1997. godine, a na kojoj je Vijeće za sprovodenje mira pozdravilo namjeru Visokog predstavnika da upotrijebi svoj konačni autoritet u zemlji u pogledu tumačenja Sporazuma o sprovodenju civilnog dijela mirovnog ugovora kako bi pomogao u iznalaženju rješenja za probleme, kako je prethodno rečeno, "donošenjem obavezujućih odluka, kada procijeni da je to neophodno" u vezi s određenim pitanjima uključujući (u skladu sa tačkom (c) ovog stava) "mjere u svrhu osiguranja sprovodenja Mirovnog sporazuma na cijeloj teritoriji Bosne i Hercegovine i njenih Entiteta";

Imajući u vidu dvije odluke Visokog predstavnika od 23. maja 2002. godine, kojima je izmijenjen i dopunjen Ustav Federacije Bosne i Hercegovine i Ustav Republike Srpske, u kojima su navedene ustavne osnove za uspostavu Visokog sudskeg i

tužilačkog vijeća Federacije Bosne i Hercegovine i Visokog sudskog i tužilačkog savjeta Republike Srpske;

Imajući dalje u vidu Zakon o Visokom sudskom i tužilačkom vijeću Bosne i Hercegovine (Službeni glasnik Bosne i Hercegovine 35/02, 4. decembar, 2002. godine), kojim se utvrđuje pravni okvir za Visoko sudsko i tužilačko vijeće Bosne i Hercegovine i ovlašćuje Visoki predstavnik da imenuje sve članove Vijeća, koliko je to moguće, za prelazni period kako je to određeno zakonom, te omogućava da dvojica sudija Suda BiH predstavljuju Vijeće do osnivanja Tužilaštva BiH, kao i to da jedan sudija Suda BiH i jedan tužilac Tužilaštva BiH predstavljuju Vijeće po osnivanju Tužilaštva;

Također imajući u vidu da je Tužilaštvo Bosne i Hercegovine osnovano 27. januara 2003. godine i da je mandat člana Vijeća, sudije Suda Bosne i Hercegovine stoga prestao, njegovom ostavkom Vijeću;

Uočavajući potrebu da se primijene svi međunarodni i evropski standardi u toku prelaznog perioda rada Vijeća u kojem će se izvršiti reorganizacija sudova i tužilaštava kao i odabir sudija i tužilaca za mesta u reorganizovanim sudovima i tužilaštвима;

Uočavajući dalje potrebu za nezavisnim i nepristrasnim radom Vijeća kako bi se postigli osnovni ciljevi koji čine osnovu gore navedenih zakona i ustavnih izmjena i dopuna, kao i neprocjenjivu korist koju bi narod i pravosudni sistem Bosne i Hercegovine imao od međunarodne stručne pomoći u toku prelaznog perioda;

Na osnovu gore navedenog, ovim donosim slijedeću

ODLUKU

**o imenovanju novog člana Visokog sudskog i tužilačkog vijeća
Bosne i Hercegovine**

1. U skladu sa članom 5. stav 2. i članom 66. Zakona o Visokom sudskom i tužilačkom vijeću Bosne i Hercegovine (Službeni glasnik Bosne i Hercegovine 35/02, 04. decembar 2002. godine).

Gosp. Marinko Jurčević, glavni tužilac Tužilaštva Bosne i Hercegovine imenuje se za člana Visokog sudskog i tužilačkog vijeća Bosne i Hercegovine u prelaznom periodu do 31. decembra 2003. godine.

2. Imenovanje iz ove Odluke stupa na snagu od dana donošenja ove Odluke.

3. Ova Odluka stupa na snagu odmah i bit će objavljena bez odlaganja u Službenom glasniku Bosne i Hercegovine, u Službenim novinama Federacije Bosne i Hercegovine, u Službenom glasniku Republike Srpske i u Službenom glasniku Brčko Distrikta Bosne i Hercegovine.

Sarajevo, 7. april 2003. godine

*Paddy Ashdown
Visoki predstavnik*